


Rudy Bislik

“Ami ta un Trupial”



ORANJESTAD – De Trupialen ta cumpliendo 60 aña di existencia na Januari proximo y e miembronan di antes ta recorda con nan a pasa gran parti di nan hubentud den e grupo aki.



Pa nos agradabel sorpresa for di presidente di De Trupialen, Sr. Nico Luydens, nos a bin haya un relato di un di e miembronan di antes di De Trupialen, kende ta Sr. Rudy Bislik.

Sr. Bislik no ta un persona desconoci den nos comunidad y den su mesun palabranan e ta relata su hubentud den De Trupialen.

HISTORIA DEN SU MESUN PALABRANAN

“Ami a drenta De Trupialen tempo Frère Alexius tabata na Aruba ainda. Mi a purba dos biaha pa mi por a drenta De Trupialen. E prome biaha Frère Alexius a mandami cas y bisami

pa mi bay siña canta y bin bek otro aña.

POR FIN EL'A LOGRA DRENTA

Wel mi a sigui Frère su conseho y mi a practica henter aña e mes un cantica. Su siguiente aña mi a bay bek y ma logra drenta. Di eynan mi a cuminsa tumales di cuarta cerca Meneer Edgard Boekhoudt. Mi a forma pari di e grupo di gaita di De Trupialen tocando cuarta, tambor y tambe cantante di gaita. Tambe mi a siña toca un tiki baho cerca Bill Tromp y di eynan mi tabata horta chens leu leu y train cu e band local y mors un tiki riba drum set. Te cu a yega un momento cu mi tabata basta bon y mi a cuminsa toca den steel band (Young Stars Steel Orchestra). Despues mi a bay toca den The Golden Notes cu mi omo Joy Kock, kende by the way tambe tabata un Trupial. Despues mi a cuminsa traha cu zonido pa show den Alhambra Casino pa 7 aña, den Tropicana Show Room 4 aña y na Sonesta Convention Center pa 4 aña.

INGENIERO DI AUDIO CERTIFICA

Y awor aki mi ta un Certified Audio Engineer bibando na Orlando Florida, USA, ya pa 12 aña. Mi a traha un par di aña cu Disney World Parks y despues mi a cuminsa Freelance como Audio/Visual Technician Y Audio Engineer.

NUNCA BISA BO NO POR

Aparte di e educacion di mi mayornan, den De Trupialen mi a siña mas respet pa grandinan y tambe chikitanan, pasenshi y tolerancia y tambe algo hopi bunita.....soña!!!! Siguí bo soñonan y nunca laga ningun hende bisabo: BO NO POR, pasobra danki na De Trupialen, awe mi ta haciendo locual cu mi ta gusta y mi ta stima, trahando cu eventonan grandi y chikito cu companianan manera Freeman AV/ AV Matters? LMG/ Stage Right/ Immediate Connections/ Call Time



AV y Video GO. Algun di e trabaonan ta: Microsoft TechED/ Phillips Industrial/ SAP/N.O.S/Zumba Convention/Florida Workers Comp/Heart/Cardiology Las Vegas/Under Armor/ International Builders/Infocomm.

GRADICIMENTO

Mi kier a desea De Trupialen di awor aki hopi exito cu nan 60 aña y sigui asina cu e bon trabao. Masha Danki pa tur locual boso a significa pa mi persona. Saludos, Rudy Bislik. □

